



Broj: 02-11-4-7531-5/23

Datum: 20.11.2023.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo ( Službene novine Kantona Sarajevo broj 44/23) i preporuke Komisije za sukcesivnu nabavku prehrambenih za potrebe Uprave policije, imenovane Rješenjem broj: 02/5-1-30-1-5707 od 04.08.2023. godine, u postupku javne nabavke prehrambenih proizvoda, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **ODLUKU**

### **O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA**

#### **I**

Prihvata se preporuka Komisije za sukcesivnu nabavku prehrambenih proizvoda za potrebe Uprave policije i okvirni sporazum za javnu nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo dodjeljuje ponuđačima:

- Gold Mignon d.o.o. Sarajevo i to za:
  - ✓ LOT 1 - Prehrambeni proizvodi i proizvodi široke potrošnje za ponudenu cijenu od 5.989,26 KM bez PDV-a
- Max Trgovine d.o.o. Zenica i to za:
  - ✓ LOT 2 – Meso za ponudenu cijenu od 18.129,80 KM bez PDV-a
  - ✓ LOT 3 - Svježe voće i povrće za ponudenu cijenu od 3.680,00 KM bez PDV-a.

#### **II**

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

#### **III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma dostavit će se na potpis izabranom ponuđaču Gold Mignon d.o.o. Sarajevo za LOT 1 i ponuđaču Max Trgovine d.o.o. Zenica za LOT 2 i LOT 3 po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

#### **IV**

Izabrani ponuđač za LOT 1 Gold Mignon d.o.o. Sarajevo i izabrani ponuđač za LOT 2 i LOT 3 Max Trgovine d.o.o. Zenica dužni su da u roku od 5 (pet) dana od dana prijema ove odluke dostave

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: [sektor.matfin@mup.ks.gov.ba](mailto:sektor.matfin@mup.ks.gov.ba)

dokaze navedene u tački 12. tenderske dokumentacije, a koji se odnose na član 45. stav (2) tačka a) do d).

Dokazi koje će dostaviti izabrani ponuđači moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

## V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### Obrazloženje

Na osnovu Odluke broj: 02-11-4-7531/23 od 24.10.2023. godine i Obavještenja o nabavci broj: 16475-7-1-134-3-135/23 od 25.10.2023. godine, proveden je postupak javne nabavke, putem konkurentskog zahtjeva za dostavu ponuda, za sukcesivnu nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-7531/23 od 06.11.2023. godine, za aktivno učešće u postupku dostavljene su ponude ponuđača za:

- LOT 1 – Prehrambeni proizvodi i proizvodi široke potrošnje – Gold Mignon d.o.o. Sarajevo i Max Trgovine d.o.o. Zenica;
- LOT 2 – Meso - Max Trgovine d.o.o. Zenica;
- LOT 3 – Svježe voće i povrće - Max Trgovine d.o.o. Zenica;

Komisija za sukcesivnu nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-7531-5/23 od 17.11.2023. godine, kojim je utvrdila slijedeće:

- da ponuda ponuđača Max Trgovine d.o.o. Zenica za LOT 1, LOT 2, LOT 3 i ponuda ponuđača Gold Mignon d.o.o. Sarajevo za LOT 1 sadrže sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjava sve zahtjeve Ugovornog organa.

Nakon ovoga stekli su se uslovi za zakazivanje e-aukcije za LOT 1.

E-aukcija, održana je 17.11.2023. godine, u razdoblju od:

- 13:10 do 13:20 sati

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju za LOT 1 su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije nije došlo do smanjivanja cijena i podnošenja novih ponuda za LOT 1.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača Gold Mignon d.o.o. Sarajevo sa konačnom cijenom za:

- LOT 1 – Prehrambeni proizvodi i proizvodi široke potrošnje u iznosu od 5.989,26 KM bez PDV-a

U postupku je podnesena samo jedna prihvatljiva ponuda ponuđača Max Trgovine d.o.o. Zenica za:

- LOT 2 – Meso u iznosu od 18.129,80 KM bez PDV-a
- LOT 3 – Svježe voće i povrće u iznosu od 3.680,00 KM bez PDV-a,

te postupajući u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj. 39/14 i 59/22), Zapisnikom o pregledu i ocjeni ponuda broj 02-11-4-7531-5/23 od 17.11.2023. godine odlučeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).



**POLICIJSKI KOMESAR**  
**Generalni inspektor policije**

**Fatma Hajdarević**

**Dostaviti:**

1. Komisiji za sukcesivnu nabavku prehrambenih proizvoda
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a.